

Na osnovu člana 69. stav (1), a u vezi sa članom 72. stav (2), Zakona o visokom obrazovanju ("Službene novine Kantona Sarajevo", broj: 36/22 i 28/25), člana 111, 117. i 118. Statuta Univerziteta u Sarajevu broj: 01-14-35-1/23 od 26. 7. 2023. godine i Odluke Vijeća Univerziteta u Sarajevu – Pedagoškog fakulteta broj: 23-01-2781/25 od 15. 12. 2025. godine, Vijeće Univerziteta u Sarajevu – Pedagoškog fakulteta raspisuje

**JAVNI KONKURS
za izbor dekana (rukovodioca organizacione jedinice)
Univerziteta u Sarajevu – Pedagoškog fakulteta
za mandatni period 2026 – 2030. godine**

Za dekana (rukovodioca organizacione jedinice) Univerziteta u Sarajevu – Pedagoškog fakulteta može biti izabran kandidat koji treba da ispunjava sljedeće uvjete:

1. da je državljanin Bosne i Hercegovine;
2. da je u radnom odnosu sa punim radnim vremenom na Univerzitetu u Sarajevu – Pedagoškom fakultetu;
3. da je iz reda akademskog osoblja izabranog u nastavno zvanje redovnog ili vanrednog profesora na Univerzitetu u Sarajevu – Pedagoškom fakultetu;
4. da nije predsjednik ili član Upravnog odbora Univerziteta u Sarajevu;
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa i sindikalnim organizacijama za vrijeme trajanja mandata;
6. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

Uz svojeručno potpisanu prijavu na javni konkurs zainteresirani kandidati dužni su priložiti:

1. Biografiju (CV) sa bibliografijom, potpisanu od strane kandidata;
2. Opis naučnog i stručnog rada, potpisan od strane kandidata;
3. Program rada za četverogodišnji mandatni period, potpisan od strane kandidata (u štampanoj i elektronskoj formi – USB).
4. Odluku o izboru u nastavno zvanje redovnog ili vanrednog profesora (posljednji izbor u nastavno zvanje) na Univerzitetu u Sarajevu – Pedagoškom fakultetu (Original ili ovjerena kopija originala);
5. Potvrdu da je u radnom odnosu s punim radnim vremenom na organizacionoj jedinici Univerzitet u Sarajevu – Pedagoški fakultet izdata nakon objavljivanja Javnog konkursa u dnevnim novinama (Original ili ovjerena kopija originala);
6. Izvod iz matične knjige rođenih;
7. Uvjerenje o državljanstvu (ne starije od tri (3) mjeseca).

Svu traženu dokumentaciju kandidati prilažu u originalu ili ovjerenoj kopiji.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na izbornoj sjednici Vijeća Univerziteta u Sarajevu – Pedagoškog fakulteta.

Kandidat koji bude izabran za dekana Univerziteta u Sarajevu – Pedagoškog fakulteta dužan je dostaviti:

- a) ovjerenu izjavu da nije predsjednik ili član Upravnog odbora Univerziteta u Sarajevu;
- b) ovjerenu izjavu da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa i sindikalnim organizacijama;
- c) uvjerenje da nije osuđivan za krivično djelo i da se protiv istog ne vodi krivični postupak;
- d) ovjerenu izjavu da se na istog ne odnosi član IX. stav (1) Ustava Bosne i Hercegovine.

Konkursna dokumentacija se dostavlja u originalu ili ovjerenoj fotokopiji.

Prijave sa potrebnom dokumentacijom mogu se dostaviti lično putem protokola Fakulteta ili preporučeno poštom, u zatvorenoj koverti na adresu:

UNIVERZITET U SARAJEVU – PEDAGOŠKI FAKULTET, Skenderija 72, 71 000 Sarajevo,

sa naznakom:

***"PRIJAVA NA JAVNI KONKURS ZA IZBOR DEKANA (UKOVODIOKA ORGANIZACIONE JEDINICE)
- NE OTVARAJ, OTVARA KOMISIJA",***

Konkurs je objavljuje u dnevnom listu "Dnevni avaz", na web stranici Univerziteta u Sarajevu www.unsa.ba i na web stranici Univerziteta u Sarajevu – Pedagoškog fakulteta www.pf.unsa.ba

Rok za prijavu je 15 dana od dana objavljivanja konkursa.

Nepotpune i neblagovremene prijave neće se uzimati u razmatranje. Konkursna dokumentacija neće se vraćati.

Kontakt osoba: Binas Nikšić, tel.: 033 204 549, e-mail: bniksic@pf.unsa.ba